

ს ი ტ ყ ვ ა

ვაჟა-ფშაველას დასაფლავებაზე, წარმოთქმული ქვაშვეთის ეკლესიაში. დეკანოზის კორნელი კეკელიძის მიერ.

თანამედროვე უმაგალითო ომი ძალაუნებურად გვაგონებს ამ ძვირფას კუბოსთან „ბახტრიონში“ აღწერილ ხოროშეთს, რომელსაც „წარღვნა დაეცა წყვეულ თათართა ჯარისა“ და სადაც ამის გამო ხსენება გაწყდა კაცისა“. სწორედ ხოროშეთს წარმოადგენს დღეს ჩვენი ბედკრული, დამშეული და წარღვნილი სამშობლო, სადაც დარჩენილან, როგორც ხოროშეთში, მხოლოდ „ბალღები“ და „დიაცნი“, რომელნიც უნუგეშოდ დასტირიან ომში დახოცილთ ძვირფას სახელებს. სავალალო ის არის, რომ ასეთ უბედურობის დროს ერთი-მეორეზე ხელიდან გვეცლებიან სულისა და გულის მესაიდუმლენი, რომელთაც, რეალური შველა თუ არა, პოეტური თანაგრძობა და ზეალმფრენი ნუგეშისცემა მაინც შეეძლოთ. ჯერ კიდევ არ გაცივებულა დიდებულ აკაკის საფლავი, რომ ჩვენ პოეზიის საკურობეველზე ჩაქრა მეორე ბრწყინვალე ლამპარი, ის ლამპარი, რომელიც ფშავესურეთის მწვერვალოთაგან უხვ ნათელს ჰფენდა მთელ საქართველოს: გაფრინდა „მთის არწივი“ ვაჟა მოგვიკვდა ფშაველა! როდესაც ჩაუფიქრდები, უნებლიედ იმეორებ განსვენებულის მწარე სიტყვებს;

„სულ ჩვენ რადა ვართ ტანჯვაში, კვნესა რად ისმის ჩვენია? როდემდის უნდა ვიტოროთ, მიწას ვაფრქვიოთ ცრემლია?“

განსვენებულის სულის ტრალედიას ის ჰქმნიდა და ამწვავებდა, რომ, ერთის მხრით, მას ელანდებოდა დიდებულ წინაპართა აჩრდილი, მათი გმირობა, პატიოსნება და მამულიშვილური გრძობა; მეორე მხრით კი თვალწინ ედგა დღევანდელი ჩვენი დაკნინება და, როგორც ამბობდა, „ქარგისა შეცვლა აუზედა ამ მის სამშობლო მხარეში“. ამ „სამშობლო მხარის“ საშველად და სახსნელად ის აღიჭურვა, აღიჭურვა არა „ხმალ-შუბითა და ფართით“, როგორც მთიული, არამედ კალმითა და მეღნითა. თავის სიმბოლიურ პოეზიის უმთავრეს მიზნად მან დაისახა ლამაზად და კობტად გამოექანდაკებია ძველი ქართველის სახე და ყველასათვის ეჩვენებია მისი სიდიადე და წარმტაცობა. „დღისა სიხადით გულდაჩაგრული“, ის სიყვარულით იცქირებოდა წარსულისაკენ, თუმცა მისი ელეგიური, მეღანქოლიით აღსავსე ქნარი სული უიმედოდ მომავალსაც არ უყურებდა. მართალია, ეს მომავალი მისთვის ბუნდოვანი და გამოურკვეველი იყო, მაგრამ მას სწამდა, რომ მართლაც რომ „გველის“ და არა სხვა რამე ქარგის „მკამელი“ და მით „გამეცნიერებული“ და გათვითცნობიერებული ქართველი ერი, ადრე იქნება თუ გვიან, ძალა მოკრებილ მდინარესავით, უეჭველად გაარღვევს იმ სალ კლდეს, რომელიც, გზას არ აძლედა ამ მდინარეს და არ უშვებდა ბარად.

განისვენე შგოსანო! შენი „სატრფო“, შენი სამშობლო, არ მომკვდარა, ის „ბებერ ლომივით“ მხოლოდ დარწმუნებულა, მაგრამ, გჯეროდეს, თანახმად შენი სურვილისა, მას მოევილინება „მათე მღვდელი“, „გულშემატკივარი მასწავლებელი“ და „შრომის მოყვარე ზურაბი“, რომელნიც მალამოს დასდებენ მის იარებს; მაშინ „დაკრილ არწივს“ ფრთა გაუმთეოდება და „ვაჟაკს“, რომელმაც „ქიდილში“ რქა დაკარგა, „რქა ამოუვა რქაზედა“. შენი უმანკო სული ნეტარებას განიცდის, როდესაც გაიგებს, რომ გაერთიანებული საქართველოს გამოეზდება არა ერთი და ორი „გოგოთური, ალუდა, ლუბუმა და ლელა“. ის გაბრწყინდა როდესაც დაინახავს „სანათას“ შიერ „დინთებულ სანთელს შუქი გაჰფანტავს იმ წყვილიადს, რომელსაც მოუცავს დღეს შენგნით მიტოვებული, შენზე მტირალი ქართველი ერი. მშვიდობით, საუკუნო იყავნ, და იქნება კიდევ, ხსენება შენი!

დეკ. კორნ. კეკელიძე.